

Segun un testigo nobo:

Joran y su tata, Paul aparentemente a conspira hunto!

STA CRUZ - Natalee a desaparece. E AMSTERDAM - Un testigo nobo, posiblemente importante den e caso di Natalee Holloway. E testigo aki a declara na Estados Unidos cu den e anochi di desaparicion di Natalee el'a mira tata y yiu hunto bao situacionnan sospechoso. Ministerio Publico kier haci uso di e declaracion aki mas pronto posibel. E declaracion ta contra e ponencia di e tata y e yiu homber ya cu nan a declara cu e anochi respectivo nan no tabata tin contacto cu otro. Segun Officier di Justitie, Hans Mos e declaracion ya na Maart a ser poni riba papel. A scucha e homber aki y a haci algun test cu un poligrafo, un detector di mentira. (leugendetector)! E testigo a mira riba e anochi aki di desaparicion di Natalee, un hoben cana banda di su cas. Loke a hala su atencion ta cu e hoben tabata tin un pia di zapato bisti y un t-shirt na lodo. Despues a pasa un auto jeep cu un homber di edad mediano. El'a reconoce nan como Joran y Paul van der Sloot. Tur dos a bin for di direccion di e hotel unda

- Natalee a desaparece. E duo aparentemente a bay Montserrat Pont. Polis ya a investiga e 'meertje' aki pa haya rastro. Por menciona cu no a haya nada di culpa di un ser humano. Segun Mos: "E testigo aki a declara cosnan cu anteriormente e no a trece dilanti. Tin algun cos cu no ta cuadra cu otro. Mi a pidi e declaracion pero no a haye ainda". Segun e testigo e no a declara tur cos na polis. Pasobra e ta duda si nan lo kier resolve e caso! E test a demostra cu e testigo no ta gaña. Voluntariamente e testigo a duna su declaracion. E declaracion aki no kier meen cu e caso ta resolvi. Husticia kier pone un punto final tras di e caso aki. Aña pasa esaki lo a pasa pero a habri e caso bek. Esaki despues cu Peter de Vries na Hulanda a bin cu imagennan comprometedor den su programa. Segun e testigo nobo Joran van der Sloot lo a dera e culpa na e meertje, Montserrat Pont. Desde e programa na Hulanda Joran ta na Asia. E tata, Paul van der Sloot no kier a duna comentario ayera riba e declaracion nobo aki.

